



Broj: 07-03-11-32862/22
Sarajevo, 26.08.2022. godine

Na osnovu člana 4. Zakona o izvršavanju Budžeta Kantona Sarajevo za 2022. godinu ("Službene novine Kantona Sarajevo", broj 5/22), čl. 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo" br. 22/21 i 13/22), i Odluke o raspisivanju Javnog poziva za sufinansiranje (dijela troškova) programa i projekata neprofitnih organizacija i udruženja za organizovanje poslovnih sajmova, ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu od strane Ministarstva privrede Kantona Sarajevo kao nosioca budžetskih sredstava, broj: 07-03-11-23106/22 od 03.06.2022. godine, ministar Ministarstva privrede Kantona Sarajevo raspisuje

JAVNI POZIV

**za sufinansiranje (dijela troškova) programa i projekata neprofitnih organizacija i udruženja
za organizovanje poslovnih sajmova, ili sličnih manifestacija
u svrhu promocije poslovnih subjekata i razvoja privrede
u Kantonu Sarajevo za 2022. godinu**

I - PREDMET JAVNOG POZIVA

Predmet Javnog poziva je dodjela sredstava neprofitnim organizacijama i udruženjima u svrhu sufinansiranja (dijela troškova) programa i projekata za organizovanje poslovnih sajmova, ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu.

II - FINANSIJSKA SREDSTVA

Finansijska sredstva za realizaciju ovog Javnog poziva planirana su u Budžetu Kantona Sarajevo - Ministarstva privrede (u daljem tekstu: Ministarstvo) za 2022. godinu, u iznosu od 100.000,00 KM, na ekonomskom kodu: 614300, subanalitika IAN015 – "Podrška projektima neprofitnih organizacija". Sredstava koja se mogu odobriti po jednom programu i/ili projektu (ne uključujući vlastito učešće i učešće sredstava obezbjeđenih iz drugih izvora), mogu iznositi do 10.000,00 KM.

III- PRAVO UČEŠĆA

- 1) Pravo učešća na ovaj Javni poziv, imaju neprofitne organizacije i udruženja:
 - a) sa registrovanim sjedištem na području Kantona Sarajevo (eliminacioni uslov: sjedište registracije), a čija registrovana djelatnost je vezana za promociju privrede,
 - b) koje su obezbjedile vlastito učešće i/ili učešće sredstava iz drugih izvora u iznosu od minimalno 15% vrijednosti programa i/ili projekata,
 - c) koje su organizirale ili koje će organizirati poslovne sajmove, ili slične manifestacije u 2022. godini, s ciljem promocije poslovnih subjekata i privrednih potencijala na području Kantona Sarajevo.



- 2) Nefitne organizacije i udruženja kojima su dodjeljena podsticajna sredstva od ovog Ministarstva za 2020. i 2021. godine, a koja ista nisu uredno opravdali do dana objave ovog Javnog poziva, ne mogu ostvariti pravo na dodjelu finansijskih sredstava po ovom Javnom pozivu (službena provjera).
- 3) Nefitne organizacije i udruženja koja su učestvovala i **ostvarila** pravo po Javnom pozivu Ministarstva privrede Kantona Sarajevo u 2022. godini, **nemaju pravo** ponovnog apliciranja po ovom Javnom pozivu.

IV - USLOVI (KRITERIJI)

1) Opći uslovi (kriteriji) su:

- a) Upis u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva sa sjedištem na području Kantona Sarajevo,
- b) Uredno ispunjenje obaveza po osnovu ranije dodijeljenih sredstava,
- c) Uredno ispunjene obaveza po osnovu javnih prihoda,
- d) Da se protiv podnosioca prijave, odnosno lica ovlaštenih za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup.

2) Posebni uslovi (kriteriji) su:

- a) programi i projekti razvojnog karaktera,
- b) programi i projekti koji doprinose razvoju privrede kroz afirmaciju i promociju poslovnih subjekata i privrednih potencijala na području Kantona Sarajevo;
- c) programi i projekti za stimulisanje mladih za organizaciju poslovnih događaja;
- d) programi i projekti od značaja za za podsticaj i očuvanje poslovnih događaja;
- e) programi i projekti kojim se stvaraju uslovi za samozapošljavanje i novo zapošljavanje;
- f) aktivnost i uključivanje što većeg broja lica sa invaliditetom u rad udruženja;
- g) aktivnost i uključivanje što većeg broja pripadnika nacionalnih manjina u rad udruženja.

Podnosioci zahtjeva dostavljaju samo po 1 (jedan) projekat i/ili program.

V - OBAVEZNA DOKUMENTACIJA

Dokumentacija koju je potrebno dostaviti u originalu ili ovjerenoj kopiji:

- a) **Popunjen obrazac** za prijavu za sufinansiranje programa i/ili projekata koji se nalazi na internet stranici Ministarstva www.mp.ks.gov.ba,
- b) **Detaljno razrađen prijedlog programa** i/ili projekta koji se kandiduje za dodjelu sredstava sa detaljnom specifikacijom troškova potpisan od ovlaštenog lica i ovjeren pečatom udruženja/nefitne organizacije (*original*),
- c) **Program rada** za tekuću godinu sa obrazloženjem, ovjeren potpisom i pečatom odgovornog lica,
- d) **Finansijski plan** za tekuću godinu, ovjeren potpisom i pečatom odgovornog lica,
- f) **Uvjerenje** iz registra udruženja izdato u vrijeme podnošenja zahtjeva ne starije od tri mjeseca,
- g) **Uvjerenje** o poreskoj registraciji - identifikacioni broj,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/5

- h) **Izjava** odgovornog lica pod punom moralnom, materijalnom i krivičnom odgovornošću, da nema dospjelih a neizmirenih obaveza po osnovu javnih prihoda, zaključno sa 30.06.2022. godine, (direktnih poreza i doprinosa), ovjerena kod nadležnog organa – općine ili notara - (*original ili ovjerena kopija*);
Napomena: Ovaj uslov biće ispunjen ukoliko učesnik dostavi Uvjerenje o dospjelim i izmirenim svim porezima i doprinosima, zaključno sa 30.06.2022. godine, iz nadležne Porezne uprave/ispostave – (*original ili ovjerena kopija*);
- i) **Izjava** odgovornog lica pod punom moralnom, materijalnom i krivičnom odgovornošću, da nema dospjelih a neizmirenih obaveza po osnovu javnih prihoda, zaključno sa 30.06.2022. godine, (indirektnih poreza), ovjerena kod nadležnog organa – općine ili notara - (*original ili ovjerena kopija*);
Napomena: Ovaj uslov biće ispunjen ukoliko učesnik dostavi Uvjerenje o dospjelim i izmirenim svim indirektnim porezima, zaključno sa 30.06.2022. godine, iz Uprave za indirektno oporezivanje – (*original ili ovjerena kopija*);
- j) **Bilans stanja i Bilans uspjeha** za 2021. godinu, ovjereni od strane Financijsko/finansijsko informatičke agencije (FIA),
- k) **Izveštaj o utrošku sredstava** za aktivnosti/program/projekat odobrene u prethodnoj godini koja su dobili od strane Kantona Sarajevo (svih ministarstava), a ukoliko nisu dobili sredstva od Kantona Sarajevo u prethodnoj godini, dostaviti dokaz o istom (Izjava ovjerena od strane nadležnog organa ili notara). Neprofitne organizacije i udruženja koja su učestvovala i **ostvarila** pravo po Javnom pozivu Ministarstva privrede Kantona Sarajevo u 2022. godini, **nemaju pravo** ponovnog apliciranja po ovom Javnom pozivu.
Napomena: *Neprofitne organizacije i udruženja koja su registrovana u prethodnoj godini i nisu dobili sredstva za projekte, nisu dužni dostaviti dokumentaciju pod tačkama j) i k) ovog javnog poziva (Izjava ovjerena od strane nadležnog organa ili notara),*
- l) **Naziv banke** i broj transakcijskog računa (ugovor o otvaranju transakcijskog računa),
- m) **Pregled dosadašnjeg učešća** u provođenju istih ili sličnih programa ili projekta (potpisan od strane ovlaštenog lica i ovjeren pečatom organizacije),
- n) **Popis priloga** koji se dostavljaju uz obrazac za prijavu.

NAPOMENA: Izveštaji podnosioca prijave moraju biti potpisani od strane odgovornog lica i ovjereni pečatom udruženja/organizacije.

VI - ZAJEDNIČKE ODREDBE

Ograničenja korištenja sredstava:

- a) Sredstva dodijeljena po ovom Javnom pozivu ne mogu se realizirati za nabavku osnovnih sredstava i servisne usluge (usluge krečenja, održavanja i sl.),
- b) Odobrena sredstva se ne mogu koristiti za isplate sklopljenih ugovora sa pojedincima, članovima - članicama neprofitnim organizacijama i udruženjima, članovima - članicama upravljačkih struktura neprofitnim organizacijama i udruženjima i uposlenicima po bilo kojem osnovu,
- c) Odobrena sredstva se ne mogu koristiti za isplate administrativnih troškova (struja, voda, prevoz, telefon, mobitel, fax, poštanski troškovi i sl.) u iznosu većem od 20% odobrenih sredstava,
- d) Projekat/program za čiju realizaciju su doznačena sredstva Ministarstva privrede Kantona Sarajevo mora da sadrži informaciju da je Kanton Sarajevo finansijski podržao realizaciju predmetnog programa/projekta na odgovarajućem vidnom mjestu, u svim verzijama i kopijama, kao i logotip Kantona Sarajevo,
- e) Sredstva koja se doznače po ovom Javnom pozivu mogu se koristiti isključivo za troškove vezane za organizaciju poslovnog sajma/manifestacije za koji se aplicira po ovom Javnom pozivu,



Ministarstvo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo. Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

Objava

Javni poziv će biti objavljen na internet stranici Ministarstva www.mp.ks.gov.ba, i u najmanje jednim dnevnim novinama.

VII - KOMISIJA

Prijave razmatra Komisija za provođenje ovog Javnog poziva koju formira Ministar.

Svaki član Komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

U slučaju većeg broja odobrenih prijava koje ispunjavaju opće i posebne uslove iz ovog Javnog poziva, Komisija je ovlaštena da procentualno svima umanjati pojedinačno odobreni iznos srazmjerno planiranim sredstvima u Budžetu.

VIII - ROK ZA PODNOŠENJE PRIJAVE

Javni oglas ostaje otvoren do **10.09.2022. godine (zaključno)**.

IX - NAČIN PODNOŠENJA PRIJAVE

Prijavni obrazac (objavljen na internet stranici Ministarstva www.mp.ks.gov.ba uz Javni poziv) popunjava se elektronski (formulari popunjeni ručno neće biti uzeti u razmatranje) te se isti dostavlja u printanoj verziji (potpisan i ovjeren pečatom) sa pratećom dokumentacijom navedenom u ovom Javnom pozivu u zatvorenoj koverti na Protokol Kantona Sarajevo ili poštom na adresu:

Ministarstvo privrede Kantona Sarajevo, ul. Reisa Džemaludina Čauševića broj 1. Sarajevo,
sa naznakom

"Prijava na Javni poziv za sufinansiranje (dijela troškova) programa i projekata neprofitnih organizacija i udruženja za organizovanje poslovnih sajmova, ili sličnih manifestacija u svrhu promocije poslovnih subjekata i razvoja privrede u Kantonu Sarajevo za 2022. godinu - NE OTVARAJ".

Na poleđini koverta obavezno navesti podatke o aplikantu (naziv podnositelja zahtjeva, adresu i kontakt telefon).

Nepotpune i neuredno podnešene prijave neće se uzeti u razmatranje.

Rezultati po ovom Javnom pozivu objaviće se na web stranici Ministarstva privrede Kantona Sarajevo: www.mp.ks.gov.ba sa razlozima prihvatanja ili neprihvatanja prijave.

Za sufinansiranje realizacije odobrenih projekata zaključiće se pojedinačni ugovor između korisnika finansijskih sredstava i ovog Ministarstva.

Svaki podnosilac prijave na ovaj javni poziv može podnijeti prigovor (potpisan od ovlaštenog lica i ovjeren pečatom neprofitne organizacije ili udruženja) Ministarstvu u roku od sedam dana od dana objave rezultata čija prijava nije prihvaćena, od dana dostave pismene obavijesti podnosiocu čija prijava nije prihvaćena za sufinansiranje i razlozima za odbijanje sufinansiranja projekta/programa.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

Prigovor se ne može podnijeti ako je prijava odbijena kao nepotpuna, neblagovremena ili neuredna. Ministarstvo po osnovu dodijeljenih finansijskih sredstava ima pravo da koristi informacije u vezi sa realizacijom projekta/programa u svrhu promocije Kantona Sarajevo.

Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

Sve dodatne informacije mogu se tražiti u Ministarstvu privrede Kantona Sarajevo ili na telefon **033 562 117**, od **09-15:00 sati**.

